

澗谷精選陸放翁詩下



澗谷精選陸放翁詩集卷之五

前集

七言八句

雨中示子聿

窮閭父子自相依，寂寂茅廬映竹扉。  
瓜蔓水生初抹岸，練花寒動却添衣。  
吾玄自笑豈尚白，汝瘦元知能勝肥。  
苦學勿爲干祿計，宦途雖樂不如歸。

遊山西村

莫笑農家臘酒渾，豐年留客足雞豚。  
山重水複疑無路，柳暗花明又一村。  
簫鼓追隨村社近，衣冠簡朴古風存。  
從今若許閑乘月，拄杖無時夜叩門。

秋雨初霽戲筆

墨入紅絲點漆濃閑將倦筆寫秋容雨聲已斷時聞  
滴雲氣將歸別起峰斜日半穿臨水竹好風遙送隔  
城鍾遠遊更動輕舟興太息何人解見從

作夢

作夢今逾七十年平生懷抱尚依然結茅杜曲桑麻  
地覓句灞橋風雪天驃騎向來求作佛淮南未露望  
登仙世間妄想何窮盡輸與山翁一醉眠

龜堂獨坐遣悶

髮已凋疎齒已搖高談誰與慰無聊苦心雖嘔何由  
出病骨非說亦自銷玉雪微塵烹瑞草烟脂少把斲  
靈苗賀公吳語吾能似太息遺魂不可招

春行

九日春陰一日晴強扶衰病此閑行猩紅帶露海棠  
濕鴨綠平堤湖水明杜子美曉看紅濕處李太白蜀  
江紅且明溫明字可謂奪造化之功世未有拈出者  
酒賤柳陰逢醉卧牛肥稻熟看深耕山翁莫道渾無  
用解與明時說太平

七十三吟

七十三年事之新涵濡幸作六朝民髮無可白方爲  
老酒不能賒始覺貧末路已悲身是客此心猶與物  
爲春柴門勿謂當岑寂時有鄉隣請藥人

睡起至園中

春風忽已遍天涯老子猶能領物華  
淺碧細傾家釀酒小紅初試手  
栽花野人易與輸肝肺俗話誰能掛  
齒牙更欲世間同省事勾回蟻戰放蜂衙

贈登

少慕功名頗自竒一生蹭蹬鬢成絲  
市樓酒美貧何預斗柄春回老不知  
黑幟茫茫魂應有數白衣效命未  
無期魚梁東畔牛蘭北舉世誰能識此悲

初春欲散步畏寒而歸

峭寒漠漠出重貂酒力欺人疑不消  
春困苦多無處賣客魂欲斷倩誰招  
一溪水淺梅板瘦四野雲酣雪意驕  
欲到前村無奈懶却尋歸路度西橋

遣興二首

幾看人間歲月新釣船猶繫鏡湖濱  
曾穿高帝朝元仗却作山陰版籍民  
留病三分嫌太健忍飢半日未全貧  
早知畫繡能爲崇翁子終身合負薪

湖海元爲汗漫遊誤思四領慢亭秋  
掃空薄祿始無愧閉上衡門那得愁  
湯燉雲濤翻茗挽火溫香縷上衣  
篝床頭亦有閑書卷信手拈來倦即休

醉題東西酒家二首

陣陣新寒入布裘偶乘小醉得閑遊  
舟欄落日野橋晚斷鴈濕雲江路秋  
馬得一鳴何恨斥金經百煉豈容柔  
不知千載塵埃裏更有吾曹強項不

桑麻蒙翳不通鄰，耽酒頽然一老民。  
遣客方眠那是醉，有衣可典未爲貧。  
鴟斜日鷗來熟，印迹平沙鴈到新。  
君看此間何境界，癡人猶說吐車茵。

遊近山

羸病知難賦，遠遊尚尋好景送。  
悠悠亂山孤店，鴈聲晚一馬二童。  
溪路秋掃壁有僧求醉墨，倚樓無客話清愁。  
殘年敢望常強健，到處臨歸爲小留。

書感

壯歲功名妄自期，晚途流落鬢成絲。  
臨風畫角曉三弄，釀雪野雲寒四垂。  
金縷甲思酣戰地，皂貂裘記遠遊時。  
此心烟水空添淚，青史他年未必知。

數日不出門偶賦

湖上蝸廬僅自容，寸懷無奈百憂攻。  
補衣未竟迫秋露，待飯不來聞午鍾。  
稚子挾書勤質問，鄰翁釋耒問過從。  
今朝一笑君知否，滿甕新醅粥面濃。

初冬

平生詩句領流光，絕愛初冬萬瓦霜。  
楓葉欲殘看愈好，梅花未動意先香。  
暮年自適何妨退，短景無營亦自長。  
况有小兒同此趣，一牕相對弄朱黃。

昨非

溫飽從來與道違，書生只合卧牛衣。  
老狐五百年前錯，孤鶴三千歲後歸。  
舌自生肥勝玉食，腰常忘帶况

金園一官彭澤從何有元亮還家悔昨非

史院晚出

已乞殘骸老故丘誤恩重作道山遊  
龍津雨過橋如拭鳳闕煙消瓦欲流  
直舍小眠鍾報午路途微冷葉飛秋  
心知伏櫪無千里縱有王良也合休

飽食

飽食無功媿汗青燈前顧影歎伶俜  
馬衰猶養疑知路龜父當捐為不靈  
腰下徒誇綬若之鏡中何止髮星之  
石帆回首初非遠要及清秋斲茯苓

初春書懷

毫大光陰古更稀自今惟有數期頤  
食觀本草雖多

事醉讀離騷自一奇物外有人閑始見  
山中可樂老方知武陵好在挑千樹短  
樵相尋亦未遲

又雨

梅天一日幾陰晴對酒無聊醉不成  
巧曆莫能知雨點孤桐那解寫溪聲  
林深鳥雀來無數草茂鉏耨去即生  
明日雲開天萬里御風吾欲過青城

明日復理夢中意作

白盡鬢鬚兩頰紅頹然自以放名翁  
客從謝事歸時散詩到無人愛  
慶工高掛蒲帆上黃鶴獨吹鐵笛過  
垂虹閑人浪迹由來事那計猿驚  
蕙帳空

夏夜

展轉紗厨睡不成一藤扶藹遠廊行月升雙鵲移枝  
宿露下孤螢綠曼明汲井忽驚人已起開門堪歎事  
還生羽衣道帽從吾好栢子煙中起磬聲

老甚自詠二首

殘年真欲數期頤一事無營飽即嬉身入童兒鬪草  
社心如太古結繩時騰々不許諸人會兀々從教老  
子癡亦莫城中買鹽酪菜羹有味淡方知  
羨生常笑古人癡俛仰那知迫耄期鏡裏鬢無添白  
髮樽前顏有暫丹時客嗔終歲常稱疾兒訝經旬嬾  
賦詩狂却愁過強健日身閑何往不熙々  
澗谷精選陸放翁詩集卷之五

前集

澗谷精選陸放翁詩集卷之六

前集

七言八句

舟中夜賦

千里風塵季子裘五湖煙浪志和舟  
燈殘復吐惱孤  
夢兩落不收生旅愁城上雨相如入宵漢煙中漁火耿  
汀洲牧之未極詩人趣但謂能輕万户侯

賞花至湖上

君國名花天下知園林盡日敞朱扉蝶穿密葉常相  
失蜂恋繁香不記歸欲過每愁風蕩漾半開却要雨  
霏微良辰樂事真當勉莫遣匆匆一片飛

春夏屢病至立秋而愈因自賀

良藥扶衰抵萬金，漸加糜粥輟呻吟。  
吟溪風拂簾有秋，意山影當窓生夕陰。  
薄俗只成驚老眼，幽居正得遂初心。  
岸巾待月闌干曲，更覓天公愛我深。

小築

於翁卜築寄江郊，屋破隨時旋補茅。  
暮看白煙橫水際，曉聽清露滴松梢。  
生來不啜程公酒，老去那營燕巢。  
燕巢日斷鹿門三太息，龐公千載可論交。

東窓小酌

烏帽翩僊白苧裳，東窓隨事具杯觴。  
流年不貸世人老，造物能容吾輩狂。  
藤葉成陰山鳥下，檜花涵地蜜蜂香。  
何人盡得農家樂，咿軋縑車隔短牆。

歲晚

無窮世事浩難量，歲晚沉緜卧草堂。  
短褐拆圖移曲折，故書經蠹失偏傍。  
賣刀擬買春耕犢，挾策曾亡舊牧羊。  
點檢生涯还自笑，柔畦殘葉帶新霜。

冬暮

晚角昏鍾爲底忙，豈容老子更禁當。  
乘除富貴惟身健，補貼光陰有夜長。  
臨水小軒初見月，滿庭殘葉不禁霜。  
巴江尺素何時到，剝着新詩寄斷腸。

題庵壁

孤村寂々潮生浦，小院昏々雨送梅。  
蔬食一簞宜面槁，畏釜九折自心灰。  
古人骨朽有書在，今雨泥多无



客來散髮陽狂非寄傲世間萬事本悠哉

泛舟澤中雨夜

無窮煙浪接空濛秦望稽山醉眼中虹斷已收千嶂  
兩鶴歸正駕九天風漁舟容與橫沙際水鳥號呼傍  
葦叢興盡還家忽三鼓半輪殘月斗杓東

秋懷

形骸歲々就枯朽意氣時々猶激昂水遠浮鷗猶浩  
蕩霜高殘菊更芬芳人皆有老是非在劫未成灰時  
世長三百里湖行自復子孫努力事耕桑

書感

奪璧元知價不酬屠龍誰信本無求哦詩声裏歲時

速憂國淚邊天地秋已欠謝安俱泛海况無王粲與  
登樓此身着屢憑君記万里煙波没白鷗

舟中作

三百里湖新月時放翁艇子出尋詩城頭蜃閣煙將  
合波面虹橋柳未衰漁唱蒼茫連禹穴寒潮蕭瑟過  
娥祠祖龍虛負求仙意身到蓬萊却不知

寓歎

俗心浪自作琴絲世事元知似弈棋舊業蕭然歸亦  
樂餘年至此死何悲古人可作將誰慕造物何心豈  
汝私已决殘春故溪去短簑垂釣月明時

村居

青藜杖出氛埃外白版扉開水竹邊造物與閑仍與  
健鄉人知老不知年齋居每袖持螯手妄想寧流見  
麴延昨夜小庭風露冷菊花消息已先傳

道室雜詠三首

烏化双鳧杖化龍雲山回首不知重藥園夜嘯丹臺  
月酒市秋聽紫閣鍾豈憚煙霄隨步武故應冰雪換  
形容小童開戶驚奇事野鶴來巢皆下松

莫怪先生閱事多人間何處不經過天山八月霜枯  
草場谷三更日浴波酒熟春風歸掌握丹成神物共  
誰何散人本帶江湖號四百年來一釣策  
身是秋風一斷蓬何曾住處限西東棋枰總下時聞

雷鼎竈岩間夜吐虹采藥不辭千里去釣鯿曾破千  
年功白頭始悟願生妙盡在黃庭兩卷中

遣興

聒聒鳴鳩莫笑渠百年我亦旋枝梧病知藥物難爲  
驗老覺人間不足娛茅屋何妨度寒暑蔬食且可逐  
朝脯釣船一去無尋處千頃江邊一色芦

病中東仲弥性唐克明蘇訓直

三君皆  
有歸志

移燕還家暫曲肱依然耐久北牕灯心如澤国春歸  
鴈身是雲堂旦過僧細雨佩壺尋廢寺夕陽下馬弔  
荒陵小留莫厭時追逐勝社年來冷欲冰

晚泊松滋渡口

小溪拍拍鷓鴣飛深竹蕭蕭杜宇悲看鏡不堪衰病  
後繫船最好夕陽時生涯落魄惟耽酒客路蒼茫自  
詠詩莫問長安在何許亂山孤店是松滋

秋日懷東湖

小閣東頭罨畫池秋來長是憶幽期身如巢燕臨歸  
日心似堂僧欲動時病思羈懷惟付酒西風落日更  
催詩故知歲暮常多感不獨當年宋玉悲

醉鄉

醉鄉小築亦佳哉但苦無情白髮催癡欲煎膠粘日  
月狂思入海訪蓬萊辭巢歸燕先秋去泣露幽花近  
社開莫惜傾家供作樂古人白骨有蒼苔

寄題陳魯山二首時調官都下

諸公貴人識面稀曾中璀璨漫珠璣即今舉手遮西  
日應有流塵化素衣舊學極知難少貶吾儕持此欲  
安歸夜來風雨空堂靜忽憶燈前語入微

天下無虞國論深書生端合老山林平生力學所得  
處政要如今不動心舊友幾年猶短褐謫官萬里少  
來音願公思此寬羈旅靜處炎曦豈易侵

病中作

老鶴遼天興未窮此生光景自匆匆家爲逆旅相逢  
處身是嚴裝欲發中澁眼尚於書有味孤愁殊覓酒  
無功揮戈草檄今誰記歲晚江邊白髮翁

燈下看梅

風雨經旬怯倚闌梅花折得就燈看有情應記去年  
別無寐不禁清夜寒病起支筇幽興在春遲載酒後  
期寬籬東數樹尤奇絕日遣蠻童候路乾

江樓醉中作

淋漓百榼宴江樓秉燭揮毫氣尚道天上但聞星主  
酒人間寧有地理憂生希李廣名飛將死慕劉伶贈  
醉侯戲語佳人頰一笑錦城已是六年留退之詩越  
女一笑三年留

澗谷精選陸放翁詩集卷之六

前集

澗谷精選陸放翁詩集卷之七

前集

七言八句

初春遣興三首始於志退休而終於倦之許  
國亦臣子大義也

爛熟思來怕熱官退飛心地喜輕安捨魚正可取熊

掌食肉何須至馬肝漢武帝時鄧支國貢馬肝石其

轉用一粒長年不飢性願抵肝石亦可作塊端川深溪石如馬肝者為上

典衣剩作江頭醉莫謂天涯苦鮮歡

大隱悠悠未棄官俸錢雖薄却心安人方得意矜蝸

角天豈使予為鼠肝燧以敬鼠肝乎暇日劇蒸忘

依恨短衣馳射壓儒酸小挑揚柳爭時節載酒江頭  
整一歡

白髮淒涼故史官十年身不到長安即今天未吊形  
影何日上前傾肺肝孤憤書成詞激烈五噫歌罷意  
辛酸此懷欲說無人共安得相誇素所歡

幽居書事

莫恨人間苦不諧清時有味是歸來已因積毀成高  
卧更借陽狂護散才正欲清言聞客至偶思小飲報  
花開紛々爭奪成何事白骨生香但可哀

憶昔

憶昔西遊變姓名獵圍屠肆押京英淋瀝縱酒滄溟

窄慷慨狂歌華嶽傾壯士有心悲老大窮人無路近  
功名生涯自笑惟詩在旋種芭蕉聽雨聲

春晴暄甚遊西市游家園

稅駕名園半日留遊絲飛蝶兩悠悠驟暄不爲海棠  
計長晝只添鸚鵡愁老去自驚詩酒減客中偏覺歲  
時適東風好爲吹歸夢着我松江弄釣舟

二月二十四日作

棠梨花開社酒濃南村北村鼓鼙々且祈麥熟得飽  
飯敢說穀賤復傷農崖州萬里竄酷吏湖南幾時起  
卧龍但願諸賢集廊廟書生窮死勝侯封

出縣

忽々簿領不堪論出宿聊寬久客魂  
稻隴牛行泥滑滑野塘橋壞雨昏昏  
槿籬護藥才通徑竹筧通泉自  
過村歸計未成留亦好愁腸不用遠吳門

晨起偶題

城遠不聞長短更上方鍾鼓自分明  
幽居不負秋來睡未路偏諳世上情  
大事豈堪重破壞窮人難與共  
功名風燼歎鉢生涯在且試新寒芋糝羹

寒食臨川道中

百卉千花了不存墮溪飛絮看無痕  
家人自作清明節老子來穿綠暗村  
日暮啼鴉隨野祭雨餘荒蔓上  
頽垣道邊醉飽休相避作吏堪羞甚乞墦

初夏道中

桑間甚熟麥齊腰鶯語惺惚野雉嬌  
日薄人家曬蚕子雨餘山客賣魚苗  
豐年隨處俱堪樂行路終然不自聊  
獨喜此身強健在又搖團扇看絺蕉

春陰

春風浩蕩作春陰弱燕歸來不自禁  
白塔昏々繞半露青山淡々欲平沉  
表章細雨初驚濕屐齒新泥忽已深  
直怕樓高生客恨不因病起倦登臨

雨中泊趙屯

歸燕羈鴻共斷魂荻花楓葉泊孤村  
風吹暗浪重添纜雨送新寒半掩門  
漁市人煙橫慘淡龍祠蕭鼓鬧

黃昏此身且健無餘恨行路雖難莫更論

大寒出江陵西門

平明羸馬出西門淡日寒雲互吐吞醉面衝風驚易醒重裘藏手取微溫紛紛狐兔投深莽點點牛羊散遠村不為山川多慷慨歲窮遊子自銷魂

過廣安弔張才叔諫議

春風正馬過孤城欲弔先賢淚已傾許國肺肝知激烈照人眉宇尚崢嶸中原成敗寧非數後日忠邪自有評歎息知人真未易流芳遺臭盡書生

宿武連縣驛

平日功名浪自期頭顱到此不難知宦情薄似秋蟬

翼鄉思多於春繭絲野店風霜趣裝早縣檣燈火下程遲寒鞭熨手戎衣窄忽憶南山射虎時

即事

渭水岐山不出兵却携琴劍錦官城醉來身外窮通小老去人間跋響輕捫蝨豪雄空自許屠龍工巧竟何成雅聞婚下多區芋聊試寒爐玉糝羹

羅漢驛翠望亭讀宋景文公詩

撲馬征塵拂不開高亭欹帽一徘徊蜀山地暖稀逢雪閑歲春遲未見梅陂水近人無鷺下煙村藏寺有鍾來宋公出牧曾題壁錦段雖殘試剪裁

成都歲暮始微寒小酌遣興

華帶頻移紗帽寬  
茶鐺欲熟篆香殘  
踈梅已報先春信  
小雨初成十月寒  
身似野僧猶有髮  
門如村舍強名官  
鼠肝蟲臂尤無擇  
遇酒猶能罄一歡

快晴

地闢天開斗柄回  
今朝紅日遍沱臺  
新陽蘇醒春前柳  
輕暖醫治雪後梅  
瓦屋螺青披霧出  
錦江鴨綠抱山來  
衰翁也逐兒童喜  
旋撥文書近酒杯

暮春

忙裏偷閑慰晚途  
春來日日在東湖  
凭欄投飯看魚隊  
挾彈驚鴉護雀雛  
俗態似爭花爛熳  
病身能闔竹清癯  
一樽是處成幽賞  
風月隨人不用呼

東湖新竹

挿棘編籬謹護持  
養成寒碧映淪漪  
清風掠地秋先到  
赤日行天午不知  
解籜時聞聲款款  
放梢初見影離離  
官閑我欲頻來此  
枕簟仍教到處隨

夏日湖上

烏帽筇枝散客愁  
不妨胥吏雜沙鷗  
迎風枕簟平欺暑  
近水簾櫳預借秋  
茶竈遠從林下見  
釣筒常向月中收  
江湖四十餘年夢  
豈信人間有蜀州

寓驛舍

閑坊古驛掩朱扉  
又憇空堂浣客衣  
九萬里中鯤自化  
一千年外鶴仍歸  
遶庭數竹饒新筍  
解帶量松長



舊園惟有壁間詩句在暗塵殘墨兩依依

敕牟鎮早行

孤燈照影聽初雞攬轡情懷倍慘淒雪作未成雲意  
開茅荒無際客魂迷觸寒手指藏猶裂畏險圖書棄  
不携老去有文無賣處等閑題遍蜀東西

寓舍書懷

借得茅齋近竹橋羈懷病思兩無聊春從豈意猶頭  
老日向樛蒲齒上消叢竹曉兼風力橫高梧夜挾雨  
聲驕書生莫倚身常健未盡凌煙鬢已凋

成都書事

劍南山水盡清暉濯錦江邊天下稀煙柳不遮樓閣

斷風花時逐馬頭飛毛羨筍似稽山羨斫鱸魚如笠  
澤肥客報城西有園賣老夫白首欲忘歸

午睡至暮

酒力醺然入四肢筆胥稅駕不應遲殘年已覺衰難  
強萬事無如睡不知幸有琴書供枕藉安能冠帶更  
支持紅爐過盡灰如雪獨守青燈坐畫詩

夜宴

酒浪搖春不受寒燭花垂燼忽堆盤山川路邈人將  
老絲管聲適夜向闌盡也終也四海交遊更聚散百年  
光景雜悲歡自憐病眼猶明在更把名花半醉看

寄二子

大兒新作鶴林遊仲子經年成吉州日日望書常至  
暮時時入夢却添愁得官本自輕齊虜對景寧當似  
楚囚識取乃翁行履處一生任運笑人謀

澗谷精選陸放翁詩集卷之七

前集

澗谷精選陸放翁詩集卷之八

前集

七言八句

行武擔西南村落有感

騎馬悠然欲斷魂  
春愁滿眼與誰論  
市朝遷變歸蕪沒  
澗谷訶呀互吐吞  
呀張一徑松楠遙見寺  
數家雞犬自成村  
最憐高塚臨官道  
細了煙莎遍燒痕  
獨飲醉卧覺而夜半

澤畔元非慕獨醒  
散人一飲費經營  
也知世少蘇司業  
安得官如阮步兵  
醉看面頰驚少壯  
澆餘曾次失崢嶸  
更闌莫厭殘燈火  
卧聽空廊絡緯聲  
城東馬上作

割鮮藉草醉春醪仰看鳴鵬百尺高杜老何妨希稷  
高孔明本自陋袁曹邊頭插羽無傳檄篋裏盤鵬有  
舊袍寄語長安衆年少妓圍不似獵圍豪

晚步江上

萬里橋邊帶夕陽隔江漁市似清湘山林獨往吾何  
恨車馬交流渠自忙高柳陰中扶拄杖平沙穩處據  
胡床故人京國無消息安得相携共此涼

南定樓遇急雨

行遍梁州到益州今年又作度瀘遊江山重複爭供  
眼風雨縱橫亂入樓人語侏離逢洞潦棹歌欸乃下  
漁舟天涯住穩歸心懶登覽茫然却欲愁

涪州

古壘西偏曉繫舟倚闌搔首思悠悠欲管丹竈竟無  
地不見荔枝空遠遊官道近江多亂石人家避水半  
危樓使君不用勤留客瘴雨蠻煙我欲愁

黃鶴樓

手把仙人綠玉枝王枝漢武帝得西卿枝汗死則枝  
近臣年高者云病則枝昔吾行忽及早秋期蒼龍闕角歸何晚黃鶴樓中醉  
不知江漢交流波渺渺晉唐遺迹草離離平生最喜  
聽長笛裂石穿雲何處吹

吾廬

吾廬雖小亦佳哉新作柴門斲綠苔蠲所鑿拄杖每

攔歸鶴入釣船時帶夕陽來  
墟煙隔水霏々合籬菊  
凌霜續々開千里安期那可得  
笑呼鄰父共傳杯

別建安

小雨初收雲未歸  
吾行迨及晚秋時  
寒沙新雁無人問  
露井殘桐有客悲  
征袂拂霜晨喚馬  
驛總剪燭夜題詩  
悠然且作尋山想  
夢裏功名莫自期

登擬峴臺

層臺縹緲壓城闌  
倚杖來觀浩蕩春  
放盞尊前千里目  
洗空衣上十年塵  
縈回水抱中和氣  
平遠山如醞籍人更喜機心無  
復在沙邊鷗鷺亦相親

初寒有感

橫林吹葉水生洲  
身落窮山古睦州  
到枕雨聲醒客夢  
背牕燈影動清愁  
氣衝牛斗有孤劍  
力挽棟梁無萬牛  
未滅匈奴身已老  
此生虛負幄中籌

縱筆

東都宮闕鬱嵯峨  
忍聽胡兒敕勒歌  
雲隔江淮翔翠鳳  
露沾荆棘沒銅駝  
丹心自笑依然在  
白髮將如老矣何  
安得鐵衣三萬騎  
為君王取舊關河

官居

萬里飄然似斷蓬  
桐廬江上又秋風  
判餘牘尾棲鴉濕  
衙退庭中立鴈空  
燈火市樓知酒賤  
歌呼村路覓年豐  
誰知病守無歡意  
也與邦人一笑同

新年

寄迹人間夢已長  
新年脫帽始微霜  
坐中使氣如秦俠  
陌上行歌類楚狂  
下榻欲招賢與語  
杜門聊以醉爲鄉  
嵇山刻曲雖堪樂  
終憶祁連古戰場

遊鄞

晚雨初收旋作晴  
買舟訪舊海邊城  
高帆斜掛夕陽色  
急艣不聞人語聲  
掠水翻沙鷺過供厨片雪  
鱗明山川不與人俱老  
更幾東來了此生

休日行郡圃

南山如黛照朱扉  
地接官居到亦稀  
寒蝶徘徊掠衰草  
孤花閑淡弄斜暉  
荒城歌舞難娛客  
休日文書且

解圍猶勝去年窮  
巷底卧聞砧杵念秋衣

夜步

市人莫笑雪蒙頭  
南陌東阡信脚遊  
風流鐘聲雲外寺  
水搖燈影酒家樓  
鶴歸遼海逾千歲  
楓落吳江又一秋  
却掩船扉耿無寐  
半牕落月照清愁

登北謝

遶城山作翠濤傾  
底事文書日有程  
無用我爲揮吏散  
獨登樓去看雲生  
香浮鼻孔煎茶熟  
喜動眉間煉句成  
莫笑衰翁淡生活  
他年猶得配玄英

七言四句

平陽驛舍梅花

江路輕陰未成雨梅花欲過半沾泥遠來不負東皇  
意一絕清詩手自題

看山

小葺茅茨紫翠間今年偷得半年閑門前木落須霜  
曉且看西南一角山

戲題

走馬平欺刺繡坡放船橫截亂絲渦從來倚箇心平  
穩遇險方知得力多

青村寺

十年淹泊望脩門臨水登山幾斷魂短鬢是々身欲  
老小樓明月宿青村

題畫燕

一雙掠水燕來初萬點飛花社雨餘辛苦成巢君勿  
笑從來吾亦愛吾廬

叙州三絕

畫船衝雨入戎州縹緲山橫杜若洲休信時平邊埃  
靜傳烽夜々到西樓

文章何罪觸雷霆風雨南溪自醉醒八十年間遺老  
盡壞堂無壁草青々

楚枕吳檣又遠遊浣花行樂夢西州千尋鐵鎖還堪  
恨空鎖長江不鎖愁

龍興寺弔少陵先生寓居

中原草草失承平，戍火胡塵到兩京。  
危蹕老臣身萬里，天寒來此聽江聲。

過靈石三峯二首

奇峰迎馬駭衰翁，蜀嶺吳山一洗空。  
拔地青蒼五千仞，芳渠蟠屈小詩中。

曉日曛曛雪未殘，三峯傑立插雲間。  
老夫合是征西將，曾次先收一華山。

歸州重五

屈平祠在州東南，五里歸鄉蓋平所居。  
鬪舸紅旗滿急湍，船牕睡起亦閑看。  
屈平鄉國逢重五，不比常年角黍盤。

屈平廟

妾命仇讎事可知，章華荆棘國人悲。  
恨公無壽如金石，不見秦嬰繫頸時。

楚城

江上荒城猿鳥悲，隔江便是屈原祠。  
一千五百年間事，只有灘聲似舊時。

別建安

三十年來雲水僧，常挑鉢袋繫行藤。  
信緣不作癡窠窟，即是吾家無盡燈。

澗谷精選陸放翁詩集卷之八

前集

澗谷精選陸放翁詩集卷之九

前集

七言四句

小園

小園煙草接鄰家  
桑柘陰陰一徑斜  
斜卧讀陶詩味終  
卷又乘微雨去鋤瓜

湖上今歲遊人頗盛戲作二首

畫船鼓吹載涼州  
不到三更枉出遊  
忽有歌聲出雲漢  
誰家開宴小紅樓

臺府官醅歲々新  
蘭亭春勝鏡湖春  
三山小甕雖堪笑  
也向湖邊作醉人

雜感二首



百年鼎鼎成何事寒暑相催即白頭縱得金丹真不  
死摩挲銅狄更添愁  
世間魚鳥各飛沉茅屋青山無古今畢竟管他愁不  
得幾人虛費一生心

劍南道中遇微雨

衣上征塵雜酒痕遠遊無處不銷魂此詩合是詩人  
未細雨騎驢入劍門

三峽歌五首

神女廟堂秋月明黃牛峽裏暮猿聲危塗性命不容  
惜百丈牽船侵夜行

十二巫山見九峯船頭彩翠滿秋空朝雲暮雨渾虛

語一夜猿啼明月中

亂挿山花篋子紅贊草也蠻歌相和滾西東忽然四散  
不知處蹋月捫蘿歸峒中

萬州谿西花柳多四鄰相應竹枝歌問君今夕不痛  
飲柰此滿川明月何

我遊南賓春暮時蜀船曾繫掛猿枝雲迷江岸屈原  
塔花落空山夏禹祠

春日絕句

怕見公卿嬾入城野橋孤店跨馱行天工遣足看山  
顏白盡鬢鬚却眼明

閑中自詠

小艇上時皆綠水短筇到處即青山二十四考中書  
令不換先生半日閑

讀經

藜羹粟飯養殘軀晨起衣冠讀典謨莫謂書生無用  
處一身自是一唐虞

梅花絕句

聞道梅花折曉風雪堆遍滿四山中何方可化身千  
億一樹梅花一放翁

雜興

一身逋負愁餘酒滿眼閑山海上樓子細推來惟合  
睡五更風雨已如秋

聞鳥聲有感

流年冉冉去無情日夜溪頭布穀聲城郭雖存人換  
盡令感應悔學長生

七月十四夜觀月

不復微雲滓太清浩然風露欲三更開簾一寄平生  
快萬頃空江著月明

巴東遇小雨

暫借清溪伴釣翁沙邊微雨濕孤蓬從今詩在巴東  
縣不屬灞橋風雪中

雪後尋梅二首

雪裏芬々亦偶然世人便謂占春前飽知桃李俗到

骨何至與渠爭着鞭  
竹籬曲々水邊村月澹霜清欲斷魂商略前身是飛  
燕玉肌無粟立黃昏

庚子正月十八日送梅二首

滿城桃李爭春色不許梅花不成雪  
世間尤物無盛衰萬點縈風正奇絕  
我行柯山眠酒家初見牕前三四花  
恨無壯士挽斗柄坐令東指催年華

采蓮

雲散青天掛玉鉤石城艇子近新秋  
風鬟霧鬢歸來晚忘却荷花記得愁

建安遣興三首

建安酒薄客愁濃除却哦詩事々慵  
不許今年頭不白城樓殘角寺樓鍾

錦城重到難無期忽憶書臺步月時  
白浪黏天蛟鱓橫夢中識路亦何爲  
綠沉金鑠少時狂幾過秋風似戰場  
夢裏都忘閩嶠遠萬人鼓吹入平涼

排悶絕句三首

四十從軍渭水邊功名無命氣猶全  
白頭爛醉東吳市自技長刀割鼠脣  
西塞山前吹笛聲曲終已過洛陽城  
君能洗盡世間

念何處樓臺無月明  
風霜九月冷颼之朔海飄然一布裘親見處義欲書  
卦轉頭三十萬春秋

晚興

一声天邊斷鴈哀  
數藥籬畔早梅開  
幽人耐冷倚門  
久送月墮湖歸去來

欲出遇雨

東風吹雨惱遊人  
滿路新泥換細塵  
花睡柳眠春自  
懶誰知我更懶於春

示子聿絕句

儒林早歲竊虛名  
白首何曾負短檠  
堪歎一衰今至

此夢回聞汝讀書聲

初夏絕句

紛紛紅紫已成塵  
布穀聲中夏令新  
夾路桑麻行不  
盡始知身是太平人

小舟遊近村三首

數家茅屋自成村  
地碓聲中晝掩門  
寒日欲沉蒼霧  
合人間隨處有桃源

不識如何喚作愁  
東阡西陌且閑遊  
兒童共道先生  
醉折得黃花插滿頭

斜陽古柳趙家庄  
負鼓盲翁正作場  
死後是非誰管  
得滿中聽說蔡中郎

一壺歌

長安市上醉春風  
亂插繁花滿帽紅  
看盡人間興廢事  
不曾富貴不曾窮

觀梅至花徑高  
端叔解元見尋

春暖山中雪作堆  
故翁艇子出尋梅  
不須問訊道傍叟  
但覓梅花多處來

雜題二首

其一

松肪釀酒石根醉  
解菜作衣雲外行  
指點人間一長歎  
秋風又到洛陽城

其二

黍醅新壓野雞肥  
茅店酣歌送落暉  
人道山僧最無事  
恰渠猶趁暮鍾歸

雪中忽起從戎之興作二首

其一

狐裘卧載錦駝車  
酒醒冰髭結亂珠  
三尺馬鞭裝白玉  
雪中畫字草軍書

其二

十萬貔貅出羽林  
橫空殺氣結層陰  
桑乾沙土初飛雪  
未到幽州一丈深

仗錫平老自都城  
回見訪索怡雪堂詩因賦

三首

其一

東華軟塵飛撲帽黃金絡馬人看好渠懷曾中誰得  
知畏禍憂說鬢先老

其二

舉世輸與平老行青山白雲過一生出門曳杖便千  
里白雲不約常同行

其三

敲門剥啄雲蒲履劇談未竟還東去到山分我一片  
雲并遣春風吹好句

澗谷精選陸放翁詩集卷之九

前集

澗谷精選陸放翁詩集卷之十

前集

五言八句

即事

樽酒如江綠春愁抵草長但令閑一日便擬醉千場  
柳弱風禁絮花殘雨漬香客遊還役之心賞竟茫々

溪行

蓬翳鳴春雨蒲葦水生帆蒲掛暮煙買魚尋近市覓火  
就鄰船愁卧醒還醉灘行却復前長年殊可念力盡  
逆風牽

寓歎

小雨初涼夜殘燈欲暗時病多愁近酒心弱怯題詩

舊交殊方少歸耕晚歲宜回頭顧孤影此意有君知

峽州甘泉寺

江上甘泉寺登臨擅一州山亭喜無恙老子得重遊  
灘急常疑雨林深欲借秋歸途更清絕倚杖喚漁舟

獨立

獨立柴荆外頽然一秃翁亂山吞落日野水倒寒空  
憂患工催老飄零敢諱窮漁歌亦何恨悽斷滿西風

病中

風雨暗江天幽窓起復眠忍窮安晚境留病壓災年  
客助修琴料僧分買藥錢餘生均逆旅未死且陶然

一室

九萬笑鵬搏幽居一室寬雨聲便早睡酒力壓春寒  
覺悶多味衰知死有緣此生吾自斷不必夢邯鄲

春晚苦雨

垂老卧村墅餘寒欺病身雞猶未忘旦雨欲不容春  
忽々花時過茫茫草色勻尊絲已上市一飯未傷貧

客有見過者既去喟然有作

髮毛俱白盡事不補秋毫去死今無幾歸耕何足高  
已如陶止酒徒勸屈舖糟惟有滄溟去揚帆看雪濤

致仕後述懷

生理雖貧其宵中頗浩然常辭問字酒爰却作碑錢  
罕有駱堪鬻况無車可懸小須悔雨零散髮醉江天

孤村

老寄孤村裏悠然卧曲肱  
筭貧先放鶴嫌閑并疎僧  
古戍高秋笛寒旆半夜燈  
平生羞詭遇多獲豈吾能

遊山

病退行猶倦山坡每少休  
高技聞鶻語淺瀨見魚遊  
偶有堪乘興元無可遣愁  
悠然又終日爭路有歸牛

春日

車馬閑中絕衣襦病後寬  
改詩消晝永賒酒敵春寒  
抑細搓難似花新染未乾  
歸鴻與來燕各自管悲歡

醉賦

霜風照茅屋露菊插紗巾  
今古無窮事江湖未死身

直令依馬磨

獨許情少與從弟  
卿賦仰昭而私情不

磨自

終勝拜車塵每候其出輒望塵  
雅拜我亦輕餘

子

壽陵餘子學行於邨  
郭也失其君當恕醉人

小園

蕭散遺塵事栽培得小園  
土鬆花意活林暖鳥言繁  
殮酪供晨鉢殖芹薦晚樽  
餘年君莫問送老向孤村

舟中作

沙路時晴雨漁舟日往來  
村々皆盡本處々有詩材  
炊黍孤煙晚呼牛一笛哀  
終身看不厭岸幘興悠哉

歲晚書懷

殘歲堂々去新春鼎々來  
夢移鄉國近酒挽壯心回



暖律初催柳晴光併上梅東湖有歸日衰抱得頗開  
野興

有酒皆堪醉無山不可廬遂初成近賦孤憤悔前書  
湘寺分經帙廬山寄藥鋤江頭霜葉滿許興屬騎驢  
雨後涼甚

並海寬閒野清秋搖落天微涼供羨睡穩字入新聯  
陋屋蕭々雨將筒細々泉晚牕生酒只洗酌一陶然  
月夜江濱池納涼

微徑荒城曲叢祠野水邊月能從我醉風欲駕人仙  
靜數黏螢草遙聞采芡船熱官那有此留滯莫尤天  
長汀道中

晚過長汀驛溪山乃尔奇老夫惟坐嘯造物爲陳詩  
鳥送穿林語松垂拂澗枝憑鞍久忘發不是馬行遲  
病中作

一病二十日直愁難自還殘書不成讀長晝只供閑  
風舞迎霜葉雲昏欲雨山臨牕忽自笑詩思又相關  
冒雨登擬峴臺觀江漲

雨氣昏千嶂江聲撼萬家雲翻一天墨浪蹴半空花  
噴薄侵虛閣低昂迭斷槎壯遊思夙昔乘醉下三巴  
春雨

春愁無處避春雨幾時晴黯々陰連月蕭々滴到明  
愁昏減書課絃緩咽琴聲何以娛幽獨新醅手自傾

有叟

有叟鏡湖邊，芳叟八九椽。憑闌秋萬里，閉戶醉經年。  
身外浮名小，胸中浩氣全。此身吾自判，造物恐無權。

六月十四日微雨極涼

湖上清秋近，齋中白日長。雲來樹收影，雨過土生香。  
連小紅衣濕，瓜甘碧玉涼。晚來幽興動，移榻近方塘。

夜雨

寒雨連三夕，幽居只數椽。家貧輕過節，身老怯增年。  
日月悲歌裏，關山淡眼邊。梅花自開落，歎息爲誰妍。

悶極有作

貴已不如賤，狂應又勝癡。新寒壓酒夜，微雨種花時。

堂下藤成架，門邊枳作籬。老人無日課，有興即題詩。

春晚雜興

池面萍初紫，牆頭杏已青。携兒撐小艇，留客坐孤亭。  
相法無侯骨，生年直酒星。正須遺萬事，莫遣片時醒。

自述

二畝新蔬圃，三間舊草堂。病除身小健，秋近夜微涼。  
薄酒時醒醉，殘書半在亡。老懷常自笑，無事忽悲傷。

梅天

梅隴移初遍，梅天遊未晴。輕陰昏茗色，餘閤咽琴聲。  
時傍羨塘立，還尋葦徑行。杜門終此世，更誓未來生。

獨夜

燈花寒自結雪片夜方深  
影參危坐清愁入舌  
紅湖身汗漫藥石病侵尋  
明舊凋零盡何人識此

遊雲門諸蘭若

花過水陰合溪雲生暮涼  
生行響白水鷺下點青秧  
古寺宛如昨穉松森已行老  
年不下榻童子為燒香

五言四句

題瑩上人剡溪書

天地又秋風溪山憶剡中  
孤舟幸閑着借我訪支公

路傍曲二首

其一

冷飯雜以糜短褐蒙霜雪  
葉滿山郵行人跨馱去

其二

大道南北去車輪無停日

澗谷精選陸放翁詩集卷

卷之三

聖